

栝
蒼
金
石
志

栢蒼金石志卷五

嘉興李遇孫金瀾輯 海昌鄒柏森殷甫校補

麗水王尙忠芝庭參 麗水王宗訓式之同校

宋三

天慶觀鐘銘

鐘高八尺圍一丈五尺六寸分二層界十二區上六區每區高一尺七寸廣一尺三寸下六區每區高一尺廣一尺三寸第四區字刻陰文五六二區無字

維紹興三年歲次癸丑十二月辛巳朔初十庚寅日處州天慶觀太上正一盟威高上神霄九一六陽太平輔化法籙典者太微仙佐行上清北極天心正法 勅差

副道正權道正賜紫靈希大師臣吳師正募緣并將已財鑄大鍾一座仰祝

今上皇帝陛下聖壽邁於萬春

神功越於千古

寶_圖隨乾坤並久

洪基與山嶽齊安五穀時豐四夷率服干戈載戢早觀
揆亂之

功麟鳳自來行見

興平之瑞郡邑文武官僚同增福慶臣師正早悟真微
在會捨錢士女各延富壽遂所爲具疏宣懺者

右前列第一區銘并前道銜共十行行字不等

左朝奉郎前金部郎中賜緋魚袋潘特悚捨十五千四百文足

左朝散郎致仕賜緋魚袋祝卞捨二千三百文足

左奉議郎提舉廣西西路茶鹽公事賜緋魚袋胡升

右廸功郎前彰州龍溪縣主簿葉綬捨五千足

武議大夫前水軍都統制耿進葉茂各捨三千八百五十足

夫人王氏前帶御前器械張見道夫人楊氏共捨四千六百足

潘勲潘特夫各十千足潘特秀潘宗隲劉公運各拾七千足

周直方楊十娘徐二娘各五千足梅開劉忱紀廷幹陳三娘各三千足

陳師旦紀汝霖劉宗智周惠升各千五百足葉兢張深各千四百足楊衆卿夏德詮虞時通周居全章十五娘徐三娘各二千足潘亮葉儔葉俊胡廿八娘徐周生周公喜周旋楊八娘王十二娘吳堅吳褒虞二娘王十三娘吳十二娘葉升祝三娘丁堅徐十一娘章廳陳琬吳宗吳善和各一千足

右前列第二區共十三行行字不等

母親太上法籙女弟子陳十二娘二十千足 劉嘉彥
同妻吳七娘二十千足張道馨妻吳十二娘十千足知
紫虛觀事季若朴并道業七千足賜紫道士俞景岑千
伍百足朱知先一千足王子超千四足妙成知觀葉嗣
浩道業四千六伯足葉嗣涇柳仲宣各千足天囿万壽
宮五千足壽光宮道衆共六千足玉虛宮游大成道業
共八千足道衆千六百足无爲知觀富有明十四千足
賜紫許世雄張世徽富擇堯富惠存富擇京各一千二
百足葉擇方富惠清葉世欽各一千足道衆十九人共

九千五百足青田崇道觀五千足沖真觀知觀張智沖
道業十一千足道衆三千八百足崇道觀道衆共七千
足景霄知觀朱存一壽聖知觀楊拱份各一千四百足
妙庭知觀陳允輕并道業共二千七百足道衆一千五
百足逍遙觀壽聖觀各一千二百文足

右上列第三區共十二行行字不等

龍圖閣直學士左朝奉大夫知處州軍州兼管內勸農
使耿延禧

左朝散郎通判處州軍州兼管內勸農事賜緋魚袋崔
耀卿

左文林郎軍事判官薛彥時 左從事郎軍事推官朱敦朴

右從事郎軍事推官王恂 左修職郎錄事參軍張莘
右廸功郎司戶參軍凌日高 右廸功郎司法參軍趙不莠

右修職郎司理參軍馬陞 右從事郎監酒稅陳正度
前荆關軍尉孫薪一千省葉汝訓千五百四十足
左宣教郎前建康府教授劉亘拾五千足

右上列第四區共八行行字不等

道士王大鵬陳致選緣化到修武郎特添差處州兵馬

都監康夢忠訓郎添差兵馬監押趙伯仁李應義李寬
王庚盧欽陳馨沈珣沈圖祝堯民童昇童士榮童明陳
榮業陳有機章興陳新許元理孫杲曾居宝謝頌唐杲
王進昌周元宝何感賴集陳敦王涉何承緣陳林晟朱
榮吳整羅宗祝汝錫諸万王蘊周王德朱民鄭希葉穩
胡文毛伊公胡隆胡榮林閏葉春生葉毛周安程庸俞
碓盧孫政王弟兄五 沈四娘俞六娘應十娘趙十娘
葉十娘陳廿五娘葉二娘葉十一娘李廿一娘蘓七娘
仰二娘劉三二娘吳七娘章廿一娘章十三娘女眞劉
可卿詹道遵葉懷通錢八娘汪八娘楊十二娘呂舉吳

隆吳榮李敦仁程僧行周省俞宗訓各一千足唐冕同妻林十四娘拾三千省余維涂宝周廸葉茂各二千足
右上列第五區共十二行行字不等

右宣義郎知麗水縣事劉皞民

右承事郎縣丞吳檄 右廸功郎主簿沈旦

右修職郎縣尉胡思恭

羅僧吳珣吳誨吳廉各一千足

王十四娘陳七娘陳十一娘戴十娘陳七娘羅四娘王五娘葉應韶楊致永各二千足沈拱雲一千五百足
臻各一千足王大雅葉知止各一千足

倫王天悅朱應珂樓大度李師宣潘希蘊季希杲魏彥
宗管應及吳致柔劉致琛劉致遠徐致謙張勲勤黃大
應之道監平覺各千五百四十文厲應璩李拱元葉師
管內副道正賜紫陳究微知天慶觀陳子琮道判官章
右上列第六區共十一行行字不等末五行左文

道士葉致球募到葉潘葉維紹葉大年葉惟政葉亮葉
惟二葉涪葉真姜元陳元達葉公熹楊公太葉五娘蔡
八娘陳九娘葉十二娘梁念七娘郭森葉如

道士葉彥敦各一千足

道士季致術募到廸功郎陳師尹沈端中季解生季叔

宥季孫宥潘昌季皆有季歸順季言厚季才惠謝寅生
馮子宣馮子卿潘子彬周友諒徐德舍姚宗實陳九八
陳賤馮十娘陳廿三娘常六娘邵六娘潘六娘李念三
娘国五娘季七娘王大娘謝傍沈葉俞道安洪十二娘
洪十三娘王紹閏趙一娘各一千足
外幹到十三千足道士吳德任母親葉大娘鄭馥吳十
七娘張清宥各一千足

右下列第一區共十六行行字不等

道士陳致選同劉彥達幹到梅寅葉質陳堅劉生李英
趙文濟王涪王澤王品王憲王實陳堯輔王大年徐琳

柳公濟柳三娘柳十七娘吳四兒沈隆錢九娘毛敦言
毛敦仁章倫葉紹沈道隆周廿六娘鄭十二娘劉當劉
願新劉願長潘良盛葉夢顏徐十七娘葉十四娘樓婆
保季佐兒徐添孫陳六娘姜十一娘張瑄黃隣黃騰劉
高季遇陵季遇榮各一千足外令化到二十三千足吳
深妻葉九娘妹十四娘吳李各一千足劉軒千四足
陳智一千足

葉咸盛徐五娘人

當作各

一千足

右下列第二區共十五行行字不等

道士毛希長葉敦仁謝大隆王德徽平彥嘉林允舉共

緣化到二十一千足道衆街上出隊十二千足

希夷觀一千二百足永甯觀道衆三千足道衆九百足

天真院道衆二千八百足壽昌觀一千足松陽壽聖觀

道衆共千四百足太虛觀四千九百足道士吳致顯吳

大祥各鍾作三千足道童吳大軒吳致父各一千足

平大壽劉大時少助

湯宗晟宗師共五千足

此洪鍾用銅三千五百餘斤用俗錢一千四百餘千

衆幹到六百餘千外唱化衣鉢添助師正錄記

右下列第三區共十四行行字不等

道士季永澄潘溥吳耿毛伸張公都季寶葉子雲葉向
僧梵日祝倣祝汝爲祝汝平吳念五娘李賢沈士明僧
道嚴羅一娘各一千足

承信郎高廷佐進士林遂林并各一千足

玉虛宮

祝亢管希立各千五足

道士吳知和葉太始一千足

葉堯俞二千足

虛慧大師管轄左街長生宮葉師宗緣化到左修職郎
祝徽潘勲潘特秀潘特夫潘宗隲潘魯同迄鍾鈞

右下第四區刻文共十二行行字不等

道衆九十八人道童四十二人

湯正臣同妻刘十娘三千六百足張四娘二千足

左朝奉大夫前越州通判朱璞進士葉弥邵二千足

教門表白厲大京葉昌齡王冕沈韶各捨一千足

金華攻醫林貴和助緣

道士刘彦珍打化到錢三貫文足

本觀道士徐德廣魏貽獻奉命刊字

弟子陳廸徐大年尼道真女真張從道徐三娘各一千
刻文道士程世恭陸亨葉榮陳泉何咸瓊孫彪募花紅

并設黃岳同妻朱四娘三千五百足刘七娘俞廿九娘各二千足

道士朱天圖化到王祿妻解大娘劉勝妻曹二娘各一千足

道士刘德儒爲母王五娘一千足葉復并妻楊四娘男臻各一千足

右十二條在上數區縫間

外幹到二千足

道士季太微一千五百足

此行刻文

中君觀孫居真一千足

刻文

右二條在下數區縫間

蓮城東偏有阜曰圓山卽宋王給事之山堂故址也山之東有樓曰明遠架一銅鐘聲甚宏亮是鐘爲宋天慶觀道士吳師正所鑄鐘二層上下界十二區上六區一載道士吳師正疏文二載郡邑文武官僚銜名餘周載道衆及捨錢男女姓名凡四百二十八人內有官爵者如龍溪縣主簿葉綬水軍都統制耿進前帶御前器械張見道荆關軍尉孫薪建康府教授劉亘進士林遂越州通判朱璞進士葉弥邵等八人志籍不載又如郡邑官僚有

通判崔耀卿判官薛彥時推官宋敦朴王恂錄事
參軍張莘司戶參軍凌日高司法參軍趙不莠司
理參軍馬陞監酒稅陳正度兵馬都監康萼兵馬
監押趙伯仁縣丞吳檄主簿沈旦縣尉胡思恭等
十四人志復軼之其當時職官之銜名縉紳之姓
氏皆可據以資志乘家考證者至於衆姓捨錢若
干下皆有足字或有省字蓋宋時有足陌短陌之
別如范文正義莊規條支錢若干買省之屬按五
代史王章傳緡錢出入皆以八十爲陌章減其出
者陌三又宋史言宋初凡輸官者亦用八十或八

十五爲陌諸州私用各隨其俗至有以四十八爲百者太平興國中詔所在以七十七爲百此由隋唐以來皆有此短陌至官用自是足陌金史言大定中民間以八十爲陌謂之短錢官用足陌謂之長錢此鐘內用足字者乃足陌也用省字者蓋短陌耳其下第三區有用錢一千四百餘千錢作𠂔金承安四年韓城圓覺寺鐘欸有書𠂔氏者二人王蘭泉先生萃編云𠂔當卽錢字俗書省文始見於金而不知宋已有之矣

雲舫

右鐘銘紹興三年處州天慶觀道士吳師正所鑄

今在新意山法海寺明遠樓上除朔望撞擊外惟
城內外有火警始聲之以名號救火者是鐘康熙
癸酉移自園妙觀卽古之天慶觀也案府志元妙
觀在府治東南晉爲老君窟唐始改開元觀宋大
中祥符元年改天慶觀元貞元年改元妙觀明熈
於洪武而重建於天順國朝康熙間數遭水災
觀廢無存所以移鐘於法海寺也是鐘銅質青純
音聲洪遠欸識精湛流傳六百餘載毫無損傷爲
十邑鍾鍊之冠因拓其全文著於錄以垂不朽焉

高陽洞紀事

五行行八字
行書徑一尺

大宋紹興甲子丙寅

歲洪水自溪暴漲約

高八丈人多避於樓

屋悞死者不可勝計

用紀於石以告後來

右南明山高陽洞磨崖紀事而不書名觀其後尙
有數行爲後人磨勒按甲子爲紹興十四年郡誌
誤爲紹興十三年八月大水而丙寅之水不書據
此可以補誌之缺

山又多嶄巖峭石橫截中流每遇淫雨輒有湮沒之患志凡五十五見余二十年間曾四遭此患惟嘉慶庚申最酷舟自城東南入城中死者不僅以千計附錄於此

雲舫

宋師禹等石門題名

四行前三行六字末行二字行書徑三寸

宋師禹王元中

鄭清卿釋慧真

紹興丙寅上巳

日來

右宋師禹等石門洞題名在程寶題名之上按丙寅爲紹興十六年也

虞似平石門洞題名

二行左文行書
徑一寸五分

子季春廿日來遊

錢塘虞似平紹興丙

右虞似平石門洞題名在謝康樂詩刻左旁按丙子爲紹興二十六年也似平字智甫錢塘人官青

田主簿

謝似石門山詩刻

凡十行行字不等
正書徑二寸左文

演

容貌改燭鬚羞到碧潭

復使治斯民塵事擾來

我本□□問逸人誤恩

洞□□□□日喜行和

章□□□□際尋花來

分□□□舊經過石上篇

日紹興丙子三月十□日

趣行水流風逆樣船洞

陽夏謝伋爲郡守朝命

右石門山謝伋詩刻七言絕句二首石門瀑布之
右謝康樂詩刻之前有巨石岼立水中謝伋詩勒
石之陰峽間僅容一人向無人見壬辰孟夏余寒
衣涉水迤邐而過乃撻剔得之惜詩中缺十三字
此爲崖上石墮搏激致損缺耳謝伋字景思上蔡
人參政克家子官至太常少卿紹興初侍父寓居
黃巖自號藥寮居士有藥寮叢稿并善駢體文著
有四六談塵郡志職官表載其名而無傳

雲舫

虞似平等仙都山磨崖

六行行十字
正書徑四寸

紹興丙子錢塘虞似平智

甫自芝田簿移攝令季秋

晦日邀丞東萊張良弼夢

符簿荆溪莊玠德將尉建

陽陳旦明仲遊仙都山虞

似昌剛甫自姑蘇來同遊

右初暘谷虞似平等磨崖似平自青田主簿移攝

緡雲令事時偕僚屬遊仙都山相與磨崖似昌殆

似平之兄弟也四人銜名志皆失載

虞智父重遊仙都山磨崖

四行行五
字正書

紹興丁丑孟

秋上澣令朱

循道丞虞智

父挈家來遊

右磨崖亦在初陽谷前似乎自青田簿來攝縣事
是時又任縉雲丞也

范石湖書通濟堰碑

據拓本下列錄入碑之高廣不計
文凡十四行行書徑一寸五分

通濟堰合松陽遂昌兩谿之水引而東
行環數十百里溉田廣遠有聲名

湘東按長老之記以爲蕭梁氏時詹

南二司馬所作至

宋中興乾道戊子垂千歲矣往迹燕

廢中下源尤甚明年春郡守吳人范成

大與軍事判官蘭陵人張澈始修復之

事悉具新規三月工徒告休成大馳至斗

門落成于司馬之廟竊悲夫水無常

性土亦善堙修復之甚難而潰塞之實

易惟後之人與我同志嗣而葺之將

有攸於斯今故列其規於石以告四月

十九日左奉議郎權發遣處州軍州主管

學事兼管內勸農事范成大書

通濟堰規

堰首

集上中下三源田戶保舉下源十五工以上有材力公
當者充二年一替與免本戶工如見充堰首當差保正
長卽與權免州縣不得執差候堰首滿日不妨差役曾
充堰首後因析戶工少應甲頭脚次與權免其堰首有

過田戶告官追究斷罪改替所有堰堤斗門石函葉穴
仰堰首寅夕巡察如有疏漏倒塌處卽時修治如過時
以致旱損許田戶陳告罰錢三十貫入堰公用

田戶

舊例十五工以上爲上田戶充監當遇有工役與堰首
同共分局管幹每集衆依公於三源差三名二年一替
仍每月輪一名同堰首收支錢物人二或有疎虞不公
致田戶陳告卽與堰首同罪或大工役其合充監當人
亦抑前來分定窠座管幹或充外役亦不蠲免並不許
老弱人抵應內有恃強不到者許堰首具名申官追治

仍倍罰一年堰工

甲頭

舊例分九甲近緣堰田多係附郭上田戶典賣所有堰工起催不行今添立附郭一甲所差甲頭於三工以上至十四工者差充全免本戶堰工一年一替委堰首集衆上田戶以秧把多寡次第流行依公定差如見充別役卽差下次人俟別役滿日依舊脚次仍各置催工厯一道經官印押收執遇催到工數抄上取堰首僉人堰首差募不公致令陳訴點對得實堰首罰錢二十貫入堰公用

堰匠

差募六名常切看守堰堤或有疎漏卽時報堰首修治
遇興工日支食錢一百二十文足所有舡缺遇舟舡上
下不得取受情倖容縱私折堰堤如疎漏申官決替

堰工

每秧五百把敷一工如過五百把有零者亦敷一工下
戶每二十把至一百把出錢四十文足一百把以上至
二百把出錢八十文足二百把以上敷一工鄉村並以
三分爲率二分敷工一分敷錢城郭止有三工以下者
並敷錢其三工以上者卽依鄉村例亦以三分爲率每

工一百文足如有低昂隨時申官增減官給赤歷二道
二道一年一易內一道充收工一道充收錢糧並仰堰
首同論月上田戶逐時抄上不得容情增減作弊不許
泛濫支使如違許田戶陳告官司勘磨得實其管掌人
輕重斷罪外或偷隱一文以上卽倍罰入堰公用至歲
終結算有錢椿管在堰其堰工每年並作三限催發謂
如田戶管六十工每限發二十工設使不足又量分數
催發田戶不得執定限如遇大興工役量事勢輕重敷
工使用值年分堰堤不損用工微少堰首不得多敷工
數掠錢入已如違卽依隱漏工錢例責罰田戶不如期

發工納錢仰堰首舉申勾追倍罰一年工數

舡缺 出行舡處卽石堤低處是也

在堰大渠口通舡往來輪差堰匠兩名看管如遇輕船卽監梢公那過若舡重大雖載官物亦令出卸空船拔過不得擅自倒拆堰堤若當灌溉之時雖是官員船并輕船並合自沙洲牽過不得開堰泄漏水利如違將犯人申解使府重作施行仍仰堰首以時檢舉申使府出榜約束

堰槩

自開拓槩至城塘槩並係大槩各有濶狹丈尺開拓槩

中枝濶二丈八尺八寸南枝濶一丈二尺北枝濶一丈二尺八寸鳳臺兩槩南枝濶一丈七尺五寸北枝濶一丈七尺二寸石刺槩濶一丈八尺城塘槩濶一丈八尺陳章塘槩中枝濶一丈七尺七寸半東枝濶一丈八寸二分西枝濶八尺五寸半內開拓槩遇亢旱時揭中枝一槩以三晝夜爲限至第四日卽行封印却揭南北槩蔭注三晝夜訖依前輪揭如不依次序及至限落槩槩首中官施行其鳳臺兩槩不許揭起外石刺陳章塘等槩並依放開拓槩次第揭弔或大旱恐人戶紛爭許申縣那官監揭如田戶輒敢聚衆持杖恃強佔奪水利仰

槩頭申堰首或直申官追犯人究治斷罪號令罰錢二十貫入堰公用如槩頭容縱不卽申舉一例坐罪其開拓鳳臺城塘陳章塘石刺槩皆係利害去處各差槩頭一名並免甲頭差使其餘小槩頭與湖塘堰頭每年與免本戶三工如違誤事本年堰工不免仍斷決

堰夫

遇興工役並仰以卯時上工酉時放工或入山斫篠每工限二十束每束長一丈圍七尺至晚差田戶交收一日兩次點工不到卽不理工數

渠堰

諸處大小渠堰如遇淤塞卽請衆田戶衆田戶分定窠座丈尺集工開淘各依古額其兩岸並不許種植竹木如違依使府榜文施行

請官

如遇大堰倒損興工浩大及亢旱時上役難辨許田戶卽時申縣委官前來監督請所委官常加鈐束隨行人吏不得騷擾仍不得將上田戶非理凌辱以致田戶憚於請官修治及時旱損如違許人戶經縣陳訴依法施行

石函斗門

石函或遇沙石淤塞許破堰工開淘斗門遇洪水及暴雨卽時挑開免致沙石入渠纔晴水落卽開閘放水入堰渠輪差堰匠以時啟閉如違致有妨害許田戶告官將堰匠斷罪如堰首不覺察一例坐罪

湖堰塘

務在潴蓄水利或有淺狹去處湖堰首卽合報堰首及承利人戶率工開淘不許縱人作捺爲塘及圍作私田侵佔種植妨衆人水利塘湖堰首如不覺察卽同侵佔人斷罪追賞錢一十貫入堰公用許田戶告

堰廟

堰上龍王廟葉穴龍女廟並重新修造非祭祀及修堰不得擅開容閑雜人作踐仰堰首鎖閉看管洒掃崇奉愛護碑刻并約束板榜堰首遇替交割或損漏卽衆議依公破工錢修葺一歲之間四季合用祭祀並將三分工錢支破每季不得過一百五十工

水淫

一處在地名寶定大堰路邊通蔭溪邊田合留外有私創處並合填塞其爭佔人許被害田戶申官追斷

逆掃

諸湖塘堰邊有仰天及承坑塘不係承堰出工卽不得

逆掃堰內水利田戶亦不得容縱偷遞其承堰田各有
堰水不得偷掃別堰水利及不許用板木作捺障水入
田有妨下源灌溉亦仰人戶陳首重斷追賞錢一十貫
入堰公用

開淘

自大堰至開拓槩雖約束以時開閉斗門葉穴切慮積
累沙石淤塞或渠岸倒塌阻遏水利今於十甲內逐年
每甲各椿畱五十工每年堰首將滿於農隙之際申官
差三源上田戶將二年所畱工數併力開淘取令深濶
然後交下次堰首

葉穴頭

葉穴係是一堰要害去處切慮啟閉失時遂致衝損兼捕魚人向後作弊今於比近上田戶專差一名充穴頭仰用心看管如遇大雨卽時放開閘板或當灌溉時不得擅開所差人兩年一替特免本戶逐年堰工如違誤事斷罪倍罰本戶工仍看管龍女廟

堰司

於當年充甲頭田戶議差能書寫人一名充三年一替如大工役一年一替免充甲頭一次不支僱工錢或因緣騷擾及作弊申官斷替

堰簿

堰簿已行攢造都工簿一面堰首收管田秧等第簿一面請公當上田戶一名收管三年一替遇有關割仰人戶將副本自陳并碇基先經官推割次執干照請管簿上田戶對行關割至歲終具過割數目姓名送堰首收正都簿如無官司憑照擅與人戶關割許經官陳告追犯人赴官重斷罰錢三十貫入堰公用

右依准州縣備據到官張文林申重脩到前項規約州司點對委是經久除已保明供申轉運衙及提舉常平衙外行下鑄石施行乾道五年四月望日右文林郎處

州軍事判官張澈立石

右宋郡守范公成大通濟堰記并堰規二十條乾道四年頒發五年張澈立石郡志僅錄記略又脫去六十八字今摹石刻始全然規石雖存字迹模糊難辨今取相傳堰誌一書錄之原刻尙有堰山一條共二十條此止十九條據堰志云堰規凡二十條今除去堰山一條蓋舊堰自春初起工用木篠築成堰堤取材於山欄水入堰自開禧元年郡人參政何澹築成石堤以圖久遠不費修築因請於有司給此山今山爲何氏物業非堰山矣是則

何氏因捐築石堤後據山爲已有遂除去堰山一條而石刻上本有堰山一條字旣剝落無從取證亦仍堰志之舊存十九條矣竊謂通濟堰溉田二千頃爲麗邑水利之最大者范公規條百世遵守可也郡志錄其記而遺其規未免輕重失宜余所以急取堰志補之以還其舊堰志向有刻本自宋元來流藏民間致有增減錯譌人人聚訟明萬曆三十六年麗宰樊良樞又定新規八條重刻是書官弄頒行使知同文與民相誓後有私意增減者天神共鑒亦可謂盡心民事矣今明刻亦不可得

止有抄本流傳人亦罕見余從府房存案中借閱之安得守土君子取范樊二公規條并歷代修堰事宜及宋元明國朝諸記再付剞劂以垂永遠豈非不朽盛事哉

枯蒼山峻而源促土瘠而涸易田藉灌溉而有成水非激捍而不入故麗水之堰不一東則有好溪綠苗南則有寺後觀坑北則有麗陽妃溪又北有黃山泗洲畝岸諸堰惟西之通濟水利最大始創於梁天監至宋明道元祐政和紹興屢皆修築然未立規條不無旋葺旋廢之虞至乾道間石湖范

公來守是郡與判官蘭陵張澈謀修復之并刻規
立石以告來者後之濬汚通塞實賴其法迄今六
百七十餘年碑石剝落文字闇湛幸記言十四行
文字較大鐫刻稍深尙可臆擬之亦枯蒼文獻之
可徵信者也按宋史石湖官處州每多善政如勑
義役隨家貧富輸金買田次第甲乙助當役者至
二十年民以爲便詔頒其法於諸路志皆不書是
可援史以補志缺又云梁天監中詹南二司馬於
松陽遂昌之間作通濟堰激溪水四十里溉田二
十萬畝今考通濟堰在松陽麗水之間則史謂松

遂之間者誤矣碑云水環數十百里則史謂激溪水四十里者亦誤據此皆可證史之誤又云成大爲訪故迹疊石築防置隄閘四十九所立上中下水則漑灌有序民食其利而堰規不言四十九閘則史較詳也夫世知石湖善文而不知石湖亦善書今觀是碑文意該簡書逼蘓黃雖吉光片羽誠

足寶貴

雲舫

陳公權石門洞磨崖

四行行十字末行四字
左文行書徑一寸五分

豐不果來

男孔夙孔碩侍□□□□

余處厚張才舉來遊石門

紹熙辛亥上巳陳公權□

右陳公權石門洞磨崖在謝康樂詩刻之左陳公
權以下諸人無攷按麗水縣學韓昌黎孔子廟碑
乃宋嘉定十七年朝議大夫直龍圖閣提舉建康
府崇禧觀賜紫金魚袋陳孔碩重書并題額又陳
孔碩有重修府學文云孔碩幸得尸教事而相斯
役兩浙金石志云孔碩疑亦當時山長之屬然嘉
定十七年距紹熙辛亥巳卅四年矣未知二孔碩

卽一人否 雲舫

案孔碩侍其父公權游石門洞度不過二十餘歲
越卅四年已五六十歲時已宦成重遊栖地故叙
銜稱提舉建康府崇禧觀云云蓋旣請祠祿矣恬
之士大夫因其淵源有在延掌教事而孔碩亦以
少隨先人遊宦之所樂其山水而過從之於是書
韓碑作廟記以文學爲已任迄今溯其游踪厯厯
如在自是一人何疑孔碩侯官人從學朱子呂祖
謙爲陳韓之父見宋史韓傳

鄭挺石門洞磨崖

枯蒼金石志

卷五

五

四行行六七
字不等正書

紹熙甲寅開封

鄭挺唐老中春

按兵來遊登最

高頂尋絕壁息崑

下煎茶賦詩徘徊

終日而行

右鄭唐老石門洞磨崖在陳經之上甲寅爲紹熙
五年按兵者奉使按部閱兵而過此也

枯蒼金石志卷五終

原刻麗水譚學銘
重刊海昌鄒柏森校字

栢蒼金石志卷六

嘉興李遇孫金潤輯

海昌鄒柏森殷甫校補

麗水王尙

忠芝庭
廣雲舫

參

麗水王宗訓式之同校

宋四

王給事墓誌銘

碑現存高九尺五寸廣六尺篆蓋已缺文凡三十
七行行八十二字正書徑九分石已泐爲三段

宋故給事中□□□□宣奉大□王公墓誌銘

□章閣學士宣奉大夫提舉隆興府玉隆萬壽宮

魏郡開國公食邑二□八百戶食實封貳伯□

洪□撰序書

○○○閣直學士中大夫提舉江州太平興國宮
鄞○開國子食邑六百戶賜紫金魚○樓鑰篆蓋
公諱信字○○○州麗○人 曾祖明達 祖真 父
長方修身樂道鄉黨稱賢而俱不得位 父始以贈至
中散大夫 公生而穎異書過眼不再讀髫年能文詞
壯而陵蹕上庠登紹興三十年進士第旋首冠學官選
教授○○○郎張公孝祥汪公澈與爲忘年交丁 中
散憂去卒服詣 闕上所著唐太宗論贊及鶴堯論

孝宗對大臣佳其說命趙資興官除太學博士
其後 公官于朝 上猶記其君臣將相四論稱

善者久之時須次中都者例外徙復教授溫州郡罹饑
疫議賑濟難其人父老拜乞公太守謂是役□不應
敢煩博士請益力公欣然爲行家至巷到賴全□恩
不勝紀王忠文公十朋方里居尤相知重還爲刪定
勅令官□□□收宣義郎在法伐閭考滿四當得宣教
公不及□挾辰或諷使小遲謝不可□□□論□□

□□□宜蹈靖康和字之誤展讀未竟

上口誠

然今日之事旣不可亟又不可緩卿言是也
遷□卿丞論除官胥冗之敝乞精選監司而擇籍名郡
將代半歲乃除人上親以□□□□□□□□□□

□□□□功郎選人張□遷初以年免銓試至是改
秩吏妄引後令扼之□鈞□其故吏怖服又有□

□□實礙式吏受賂爲□□趙衛公雄爲工部尙書□
□日以屬公持弗聽已而轉臨□□□□□□□□
□□□□不已至白于上前它日上謂

尙書蔡洸曰考功得王信銓□遂清邏者私相□□□
□□□臣告身舊不載年□□勘蔭薦肆爲姦欺不可
控搏公摘最甚者數事告宰相□□□□□□□□
□□□王友直銳爭之□□然至求歸老規激恕
□深灼其非沮之曰考功爲朝廷理□□□□爲

○獄具皆伏遂言冒籍以梃後患上嘉其能任

怨詔執政諭旨○○○○○○○○○○

視乾道季年十損其八拜軍器少監丁母徐碩人憂

去起家知永州入奏事留爲將作○○○○○○○○

遷右司左司員外郎大理上○○獄時○○○○用者

罪公執不然卒與僞造○○○○○○○○檢討

官提領戶部酒庫上意也久之諭曰知

朕意否行用卿慮書生不長於財○○○○命今果副

朕所委接伴北使每事務存大體遷中書○○○○王公

事於是居宰士四年王○○○○○○○○白事

栢蒼金石志卷六三

語人云它人百言不能了王君數語畢之誰不傾聽遂
極知公賢十一年遷太常少卿□□權中書舍人奏
罷福建安撫回易鹽以紓建劔汀邵歲□四郡民德□
□□爲真時朝士樂簡□□□□□□□□假□召而
造□府大僚退朝者易車入省寺三衙不乘馬都司便
衣過堂御廊考試官弛□□而越位使朝儀日紊舊
禮益亡當悉由曩制□使北國肄□□亭首破的□□
勅賜再發仍□□□□□□□□□□尙書得非黑王
相公子孫乎謂其弧矢之妙侔武恭公德用也又嫻於
筆法采入米芾部捆域擴使有求書與之趨而謝曰所

謂前無古人後無來者當永爲家□□年來歸

聖語齊其壯國體□□□□□□月五星會於軫

公言休咎之證史策□□然五星聚者有之矣未聞

七政共集也分野在楚願思所以順天而應之因條上

七事有縣令以臧罪被劾當別□官請但與祠□蜀帥

用不廉免會□□□□□□奏寢之拜給事中

上疏言
陛下卽□□□經營中原之志甚銳然

功□所以未成者正以所用□人不□人不□□論

不一其論不一□其心不一□□羣和各有黨儔□□

□知適從則□□□□□□衣於大寒之後孰若

徹土於未雨之先順□□□之燕與二三大臣豫求至
當之□□歸于□又乞取□本朝名臣議奏□□合於
當世之務者集爲一編□□省覽時趨其謨瑣闢職封
駁而右府所□□□□□□捷出在於公論統領
□□□□□□□幸蒙赦還而□□故職

潛□□舊之□□□□官而齒朝□□禁校□□節鉞
詭謝事得之而奉稍恩典與正不異閣門多溢額祇候
妃嬪進□□冒□□□□□既一一□歸有雖書曰
□□□□□□續爭救之 上曰事有不可不

問者但奏來朕無有不爲卿行□於是益抗志不回隱

囊封□數千百上退錙甘昇權震一時既逐遠之矣屬

高廟升遐喪□□□用爲都□□□人莫敢□

□□□□壽宮 公曰駸二弗過其人將復出亟執

奏舉朝皆悚翰林學士洪□適入侍 上語之曰

王給事論□□事□當朕□白 太上皇后

聖訓□爲今一宮之事□於向時非我老人所任小

□門空多類不習事獨昇可付門戶□分吾□□渠今

已掃跡居室尙不能有□□蹈故態以是駁朕不欲行

卿見王給事可道此意 公聞之乃止 玉音再呼其

官重之若是王魯公德□□□咨訪於 □□去位外

遂指爲黨百譽不敵一毀竟提舉西京崇福宮起鎮襄陽尋輟不達一言莫知其故紹熙元年知湖州公平生未涉州縣猾吏拱稽覬侮及据泉老於事月擢集英殿修撰知紹興府兩游東安撫使當官受俸非祿令所著一介弗取裝才餘五萬錢詔入覲

壽康宮太上見聖帝故所敬前席其

管內請奏免越人逋官緝錢十四萬絹六七萬匹綿十萬兩米二十萬斛驢戴之聲意干遠近三年進待制山陰境有

澤數四環皆田歲苦潦□□□開門□□□□
□□□□匯潮□□□民繪□□□□求歌更其
名曰王公湖以至隄漁浦江禁民不舉子買學田立義
冢衆□□□越爲二使者臺□□公皆得其歡而游客
□□□□知鄂□□□□重□□□□□□□
□□□又居心簡夷恢二然無所游其□□清而容物
成而□□則天資固□頻年間四告歸再徙他州未上
□疾不起時五年十一月七日也先數夕星賓于公□
□□□尺□□□□□□□□□八文□□□□
大夫開國鄉縣爲伯食邑七百戶致□□通議大夫訃

○贈宣奉大夫妻碩人郭氏後兩○卒男○麟承務
郎監新城稅學有家法預○部計偕駒承事郎○
○朝散○○○軍審計○孫曾合三人 公孝於
親友於弟篤於姻自金陵護 中散○歸當江郊雨霜
○屢徙○雖育風○雨不升車○卜宅○○僧絕指
得之拜人證爲誠格季弟免○○收酒○○寒
暑語及必泣下先官○○予之調娛族姓唯恐
小不愜○歲收儉於百石糴米而炊○婁告者分貲
應其須無靳色對人言傾○肺○○銖隱伏不知者
馴致怨些弗顧○○○日一○○高不肯自

售寂不逢知己 公獨表其材居室枕城東偏空□□
買寬閑地□畊爲園曰園山朝夕其間將終身焉屬予
作記二成乃不覩刻石傷哉□□錄者□草繳章十
七卷應□□□□□奏議八卷表牋狀劄十三卷
它文章五□卷遺命□葬驕駒敬承之以慶元二年十
一月二十有一日葬于西鄉保定之原 郭夫人附驂
求銘 公之試南省也予參□□□□落外官自婆
召□□□□効力同□侍從三年晚復合符會
稽交契最厚其忍□銘二曰

士之居世 所畏不逢 亦旣逢之 又要其□

□□□□ 用未渠旣 居之終身 孰主張是

伊公之□ □惟過辰 虬龍得雲 振其鬚鱗

穆然□朝 士立如□ 莫予□先 万里□□

烈二孝祖 其□□□ 照臨百□ □□□□

一朝見之 國士遇我 夜半席前 言無不可

掾之□府 貳以九卿 鵬閣鸞臺 年躋少壯

回天之□ 十□□百 旦人□□ 玉帝動色

□□□□ □□穹蒼 □□□□ □□□□

垂登丹梯 □挹得政 伊誰浪云 委命退聽

流連□鎮 爲民醫砭 拔其洳淖 □之平川

褰裳欲歸 〇不肯〇 〇星騎箕 〇〇〇〇

〇〇六十 〇〇〇〇 人生幾何 廩其羊而

困山之堂 戒記其實 百年歡娛 不使〇畢

金玉于是 〇者悽然 暴諸銘章 尙永厥傳

〇安余煥刊

右宋給事中王信墓志銘在麗水縣西鄉案碑文
磨泐太甚宋史有王信傳詳略可以互證今錄史
傳云王信字誠之麗水人入太學登紹興進士除
建康教授父憂服除進所著唐太宗贊及負薪論
孝宗嘉之授太學博士須次徙外教授溫州郡饑

疫議遣官振救父老願得信任其事信欣然爲行
徧至病者家全活不可勝記尋除勅令所刪定官
凡法令有不合人情自相牴牾吏得以傳會出入
者悉釐正之轉對言太學正錄所掌規矩而員多
博士所掌訓導而員少請升正錄兩員爲博士從
之又論除官冗脞之弊乞精選監司慎擇名籍郡
將代半歲乃注上親以其章授宰臣施行權考功
郎官蜀人張公遷初以年免銓至是改秩吏妄行
柅之信鈎考其故吏怖服又有實礙選武吏受賕
爲地托工部尙書趙雄屬信信弗從旣而雄轉吏

部閱審成牘乃愧謝信武臣給告不書年齒磨轉
蔭薦肆爲姦欺信爲擿最者數事付大理獄因請
置籍以息後患母憂起知永州入奏事留爲將作
少監兼右司郎官轉對論士大夫趨向之弊居官
者逃一時之責而不恤後之禍患獻言者求一時
之合而不計行之可否集事者以趣辦爲能而不
爲根本之慮謀利者以羨餘爲事而不究源流之
實持論尙刻薄寢失祖宗忠厚之意革弊類煩碎
不明國家寬大之體願得明示好惡於取舍之間
使天下靡然知向無復爲目前苟且之徇又論比

歲不登陛下軫念元元凡州郡租賦或蠲放或倚
閣住催然倚閣住催之名吏得並緣爲奸願明與
減放又進豫備三說收逃亡之卒選忠順之官嚴
訓練之職及屯田利害上皆納之升左司員外郎
兼玉牒所檢討提領戶部酒庫改中書門下檢正
諸房文字遷太常少卿兼權中書舍人假禮部尙
書使金肄射都亭連中其的信書得米芾筆法金
人寶之歸言金人必衰之兆有四在我當備之策
有二上首肯之太史奏仲秋日月五星會于軫信
言休咎之徵史策不同然五星聚者有之未聞七

政共集也分野在楚願思所以順天而應之因條上七事遷給事中提舉德壽宮宦者甘昇既逐復入信執奏之舉朝皆悚上語洪邁曰太上皇后聖訓言小黃門多不習事獨昇可任責分吾憂朕以是駁疏不欲行卿見王給事可道此意信聞之乃止信遇事剛果論奏不避權要人多嫉之信亦力求去提舉崇福宮詔求言信條十事以獻曰法戒輕變令貴必行寬州郡以養民力修軍政以待機會郡當分其緩急縣當別其劇易嚴銅錢之禁廣積聚之備處歸附之人收逃亡之卒起知湖州據

案剖析敏如流泉擢集英殿脩撰知紹興府浙東
安撫使奏免逋官錢絹綿米以百萬計山陰境有
湖四環皆田歲苦潦信創起斗門導停瀦注之海
築十一壩化滙浸爲上腴民繪像以祠更名其湖
曰王公湖築漁浦隄禁民不舉子買學田立義塚
諸廢畢舉加煥章閣待制徙知鄂州改池州初信
扶其父喪歸自金陵草屨徒行雖疾風甚雨弗避
由是得寒溫疾及聞孝宗遺詔悲傷過甚疾復作
至是浚劇上章請老以通議大夫致仕有星隕其
居光如炬不及地數尺而散數日信卒所著有是

齋集

以上史傳

又案郡志有信傳未免太畧而使此一

大事竟不錄轉錄其揚州瓊花詩一律推爲天下
傳誦今案其詩甚庸劣更屬無識又碑文謂給事
居室枕東偏爲園口圍山考郡志圍山宋少師王
信花園有山堂廟郡守高超建圭山臺于上明萬
厯時郡守任可容改建圭山書院嗣後更置不一
國朝雍正七年郡守曹公掄彬復延郡庠耆宿
爲義學卽今蓮城書院是也則蓮城書院基地爲
給事花園而圍山之名亦起於給事焉

王給事妻郭碩人墓碑

碑高一丈二尺廣五尺五寸文及前後題款凡二十五行行五十二字行書徑一寸二分

宋故贈戶部氏墓誌銘

碩人郭氏墓誌銘

宜教郎添差通判處口軍州兼管內勸農事借緋
衣戴溪撰

正議大夫參知政事兼提舉編修勅令縉雲
郡開國侯食邑一千一百戶食實封貳伯戶何
澹書

端明殿學士通議大夫簽口樞密院事縉雲郡開
國侯食邑一千八百戶食實封貳伯戶葉翥篆

蓋

碩人郭氏婺州東陽人 曾大父感 大父招 父知
常不仕郭在東陽爲著姓知常字彥明以好義稱于鄉
有女六人皆嫁爲官人妻碩人其第四女也二十歸
于宣奉大夫口章閣待 制栢蒼王公信 碩人事親
孝母疾歸侍旦暮不離左右至連明不寢母憐之疾革
謂曰我有白金百斤藏東隅樓下盍口口口 碩人涕
泣辭母愀然不樂亟收淚謝且曰行取之矣母卒旣畢
斂 碩人泣謂二妹母氏臨訣遺我白金顧二妹未行
我不忍口口當以資若 碩人事舅姑如事父母舅沒

待制營墓地既成約矣民媼約外重邀索待□□

有□□碩人拔頭中金釵與之□□□重拜謝去待

制有女弟未嫁碩人與已奩具無靳色獨留常所

用白金盃察其意如□□□□之待制起書生家

故□□□殖生業獨好賓客喜賑施碩人能順承

其意勤儉自力食無美味衣不飾綵至待賓客□□豐

□□歲急難或貧不能嫁□□□之待制爲兒時

頭角崢嶸其父卽有高大門閭意久之不遂碩人欲

成先志盡斥所有□□□積併營四旁荒瘠地卜築□

□□冠山有堂使待制得以自娛酌酒賦詩家事

纖粟無所係性方整治家有法度不過用鞭□□自敬
聽兄事明審勇於爲□□□婦能以善相其夫必以
碩人爲首待 制爲永嘉郡博士民時飢疫郡委官

賑濟難其人父老請于郡且羣至博士舍羅拜□□□
待 制內外使令謹曰疫易傳染可毋往待 制銳意

欲行 碩人從旁助之力繇是民賴以全活□□當待
制使虜時虜酋□□□境使命一歲不通待 制先

被命出使止毋行至是再往人多危之 碩人口臣將
君命當以不辱爲念不當懷他慮待 制上□送之門
口勉力國事毋以家爲念待 制與 碩人相裁制以

義待制每戲謂曰子辭金一節士大夫所難子○我
卒我誌子墓當○書茲事冠于其首 碩人亦每謂人
言吾夫婦相與非他人比也待制守武昌卒 碩人
號慟幾絕水漿連日不○口扶護○歸毀○骨立至婆
聞女兄疾甚不入旅舍徑往視之值其屬續親自爲沐
浴哀苦勞勛涂中得疾抵家纔數日卒先卒呼二子屬
之口而父○口終不獨存顧而父生平多聚書我與而
父課而輩讀書率以雞鳴起夜漏未三鼓不休他時能
不廢否欽服勿用珠翠○口口口口口土足矣已而
徧戒諸婢詞意慷慨不少亂言終而逝時慶元元年正

月甲子年五十有五封至 碩人子二人麟承務郎
□□□□新城縣稅嘗預清薦未赴春官駒承事郎
女一人適朝散郎添差通判嚴州軍州兼管內勸農事
何潤孫男一人女二人明年□□□□與待制合
葬于城西保定大塘之原將葬麟等米乞銘余嘗過東
陽假館于長衢依綠堂堂郭氏義學也郭氏諸壻時往
□□□□□□□□制見郭之子弟多道碩人之賢
待制守湖余爲教授辱薦于朝今貳枯蒼郡適值待
制□碩人之葬也義

下缺

□柔而剛故能□□□□□□□□見利不取

貪意絕 死生之際了了徹 撫實發幽無侈說

彤史欲書祝銘碣

建安余口刊

右王給事妻碩人郭氏墓銘書碑者係何叅政名
筆人但知叅政書應星樓記之妙求者紛紛而不
知尙有是碑也蓋是碑離城有五十餘里之遠窮
鄉僻壤人跡罕到久埋沒於荒煙蔓草中余與雲
舫訪得之爲之狂喜急揭而登諸錄不獨叅政書
可寶而碩人之相夫以義及辭金一節重顯於世
天下後世知給事之賢固有相與成之者也

郭碩人墓碑爲永嘉文端戴公撰文按宋史戴溪

字少望永嘉人有文名以工部尙書除華文閣學士嘉定八年致仕卒贈端明殿學士諡文端初王給事守湖州適文端爲湖州教授文端之起乃給事所薦也迄慶元間給事卒於官歸葬於括值文端爲處州通判碩人墓誌銘出文端手筆給事之剛果鯁諤史傳已書其詳而碩人之賢六百年來後世乃未有知之者今墓拓殘碑以錄諸金石志幸碩人之淑德遂藉以彰矣

雲舫

黃子耕等三巖題崖

六行行字不等行
書徑四五寸不等

開禧丁卯三月丁亥郡守

柯山王庭芝文瑞禱雨獲應

率其僚佐雙井黃當子耕視田

于郊永嘉許成之質甫郡人

周汝明舜卿丹陽劉宰平

國同來三巖觀瀑泉當題

右黃子耕題崖在三巖寺白雲洞之右高崖上王
庭芝字文瑞柯山人栝志不載何自然書應星樓
記云郡守寺丞王庭芝昔爲成均名士輟從鴛綴
來守處士之邦公材力敏彊遇事輒辦至如薙荒

剔蠹填漏支傾靡廢不舉又知節用愛人蠲諸邑
之逋負代下戶之供輸馭軍弭盜邦人類能誦之
實栢之賢太守也劉宰字平國金壇人紹熙進士
歷浙東倉司幹官告歸監南嶽廟屢召不起隱居
三十年卒謚文清周汝明字舜卿麗水人紹興進
士曾令德興有政績後知韶州黃帶字子耕隆興
分甯人嘗從郭雍朱子學朱子深期之而帶亦以
道自任返復辨論必無疑而後止由太學登第爲
瑞昌主簿轉通判處州歷大理寺簿軍器監丞歲
餘三轉帶獨憤時不樂間行西湖慨然嘆曰我昔

在南北山一水一石無不品題今無復情況耶後
遷知袁州因哭從弟得疾卒所著有復齋集此刻
秀挺宛如山谷然在懸崖陡壁間難施槌拓壬辰
孟夏倩工架木數層而得之可不視爲秘寶乎
雲舫

處州應星樓碑

碑高七尺五寸廣四尺八寸文二十行正書
徑一寸四五分不等篆額六字長四寸五分

處州應星樓記

處州應星樓記

古枯士風彬彬著聞東浙口觀今昔章布之彥摺紳之

賢舒翹揚英祇節厲操載之文章措諸事業大者光明
雋偉軌轍相望小亦代不乏才揆厥所元維見可攷蓋
天之生賢必有鍾賦非山嶽之炳靈則星精之毓粹仰
觀乾象少微四星在太微西士大夫之位也一口處上
明大而黃則賢士舉在昔有隋處士星見因置處州然
則吾州素號多士衣冠文物之盛得非星分之應耶州
治東南三百餘步有應星橋會城郭之水尾閭口下歸
于大溪橋之西隅居民屋壞每遇溪流口漲必爲衝浸
嘉祐間郡守崔公愈始作石堤以捍水患就橋立屋時
遷歲久雨剝風頽庠陋不聳無以壯水口之勢士民僉

以爲言歲在丁卯七月初吉郡守寺丞王公庭芝撤舊
圖新敞以高樓載揭匾榜因以名之棟宇羣飛四顧軒
豁山光水色儒宮道口通衢列肆鱗差櫛比揔寓目前
四序之間長辰清夜萬籟已收一塵不到高晚遠眺相
羊其上如乘風馭如泛靈槎如據巨鼉之首如運大鵬
之翼神舒意暢飄飄然有凌雲氣星辰可摘足以助胃
中之磊隗者豈但侈土木之麗面勢之雄也哉易曰天
垂象見吉凶凡玼璣之運動分野之照臨得之一身則
爲一身之應得之一方則爲一方之應傳說之箕尾蕭
何之昴宿李白之長庚德星聚于潁川使星向于益部

歲星福于吳越各有其驗殆若桴鼓迺知是樓鼎初宜
其上挹景緯之精下爲輿髦之應也公昔爲成均名士
輟從駕綴來守處士之邦自足友一邦之善士凡所建
立又能振起士氣其加惠于此固不淺矣爲士者盡亦
激昂自奮覽輝昭代掇巍科躋膺仕使聲名赫奕勲業
顯著增光少微不負口侯作新之意可也方時羽檄交
馳在他人供億軍需有不暇給公材力敏彊遇事輒辦
獨能成此奇事非特巍然一樓至如薤荒剔蠹填漏支
傾靡廢不舉又知節用愛人蠲諸邑之逋負代下戶之
供輸馭軍弭盜邦人類能誦之併書于末以傳不朽云

開禧三年孟秋既望朝散大夫主管建甯府武夷山冲佑觀葉宗魯記觀文殿學士金紫光祿大夫提舉臨安府洞霄宮何澹書

右碑篆額六字文二十行正書在麗水縣應星樓亭內按處州之名秦曰閩中郡漢屬會稽吳曰臨海晉曰永嘉隋開皇九年始置處州十二年改括州處士名州之說僅見此碑猶婆之應婆女台之應三台分野之末論也州治東南有應星橋嘉祐間郡守崔公愈始作石堤以捍水患橋上作樓以祠星君歲久就圯開禧三年守王公撤而新之此

紀事之文也舊制橋楯外置水閘設夫司啟閉以
備水患今久廢故城南洊遭水患有土者所當究
心耳文云羽檄交馳處州自方臘洪載之亂山賊
時發文中厯叙王公政績崔公作堤皆能捍患禦
災而稽之故籍寂無聞焉金石之所關如此何澹
字自然龍泉人厯官御史中丞參知政事奉祠祿
間居十餘年開宗以舊學眷遇甚隆見宋史

金石志

兩浙

右宋應星樓記爲宋開禧三年葉宗魯撰何澹書
余所居郡學署距碑所僅數箭路嘗至碑下摩挲

其文碑在一小廟門外嵌壁間無所謂樓也因思
記中所云神舒意暢飄飄有凌雲氣星辰可摘足
以助胸中之磊塊者當時何等偉觀六七百年來
屢爲山水所撼其蕩廢固不待言幸此碑巋然獨
存并完好絕無斷截處亦足見後之君子保護之
力也噫處城之被水災由來久矣因水患而作閘
橋上作樓以祀星君藉觀水勢始於嘉祐間郡守
崔公愈修于開禧三年郡守寺丞王公庭芝此碑
記之所以作也今水閘依然而啟閉乏人溪水暴
漲城中人惴惴不能安寢是守土者之責也崔愈

見郡志官秩志無傳王庭芝無考三品有磨崖題
名稱柯山王庭芝是紹興人也葉宗魯見選舉志
國熙乙未科進士官河南提舉麗水人何澹兩浙
金石志跋已詳述矣

東甌博古齋郭煥春熙堂手鐫

栝蒼金石志卷六終

原刻麗水鄒學錄校字
重刊海昌鄒柏森